

Evening Dogri (NSD) Bulletin 30-06-2024

आकाशवाणी

खास खबरां

- 1 प्रधानमंत्री नरेन्द्र मोदी होरें आखेआ ऐ जे मन की बात च भारत दी समृद्ध संस्कृति, इतिहास ते इक विकसित भारत कायम करने दे जतनें दी गल्ल सदा होंदी रौहग।
- 2 प्रधानमंत्री होरें साबका उपराष्ट्रपति वेंकया नायडू हुंदे जीवन ते यात्रा पर त्रै किताबां जारी कीतियां न।
- 3 राष्ट्रपति द्रौपदी मुर्मू होरें दूल दिवस पर संथल क्रांति दे सब्बने अमर सेनानिएं गी श्रद्धांजलि भेंट कीती ऐ।
- 4 सीबीआई नै नीट-यूजी पेपर लीक मामले दे अरोपिएं थमां पटना जेल च पुच्छ गिच्छ कीती।
- 5 नमें अपराधिक कनून भारतीय न्याय संहिता 2023 ते दुए नियमें तैहत पैहली जुलाई 2024 थमां लागू होआ'रदे न।

<><><><><><>

Mann Ki Baat

प्रधानमंत्री नरेन्द्र मोदी होरें लोकसभा चुनाएं च भागीदारी करने राएं मुख्खै दे लोकवादी सरिस्ते ते संविधान च परतियै भरोसा जताने लेई लोकें दा धन्नबाद कीता ऐ। आकाशवाणी पर अपने "मन की बात" प्रोग्राम राएं अज्जबडलै देश गी संबोधत करदे होई उनें चुनां कमीशन ते चुनां प्रक्रिया च शामिल सब्बने लोकें दा धन्नबाद कीता। प्रधानमंत्री मोदी होरें अपने भाषण च जम्मू कश्मीर च बर्फीली थाहरें पर होने आले "स्नो मटर" दी बी मसाल दित्ती। उनें आखेआ जे हाल च गै पुलवामा थमां लंदन गी "स्नो मटरे" दी पैहली सप्लाई कीती गई। प्रधानमंत्री

होरें पिछले दहाके दरान भारत च जंगल दे इलाकें च होए दे अभूतपूर्व बाद्धे दा बी जिक्र कीता। अमृत महोत्सव दरान देश च 60 ज्हार कोला मते अमृत सरोवर तैआर कीते गे। उनें आखेआ जे मन की बात राएं इक विकसित भारत बनाने दी बत्ता जतन ते भारत दी समृद्ध संस्कृति इतिहास बारे लगातार चर्चा कीती जाग। एह मन की बात प्रोग्राम दी 111मीं किशत ही ते मोदी हुंदे आस्सेआ लगातार त्रीह बारी प्रधानमंत्री दा औहदा संभालने मगरा प्रोग्राम दी पैहली किशत ही। मन की बात च अज्ज बडलै प्रधानमंत्री होरें आखेआ जे भारत दा आम चुनां, दुनिया दा सब्बने थमां बड्डा चुनां हा, जेह्दे च 65 करोड़ लोकें वोट पाए। प्रधानमंत्री होरें विश्व पर्यावरण दिवस पर कीते गेदे विशेष अभियान इक पेड़ मां के नाम दा जिक्र बी कीता। उनें दुनिया भरै दे लोकें गी आह्वान कीता जे ओ अपनी मां दे नां पर जां अपनी मां कन्नै इक बूहटा जरूर लान। उनें इस गल्ला पर खुशी प्रकट कीती जे लोक अपनी माएं कन्नै बूहटा लाने दी फोटो शूट करा'रदे न। योग पर गल्ल करदे होई प्रधानमंत्री होरें आखेआ जे पूरे विश्व दे 10मां अंतर्राष्ट्रीय योग दिवस बडे उत्साह कन्नै मनाया। उनें आखेआ जे योग दिवस पर हर ब'रे नित नमें रिकार्ड बना'रदे न। उनें श्रीलंका दे VNESCO पुरातत्व स्थल गालै फोर्ट च होए दे योग सत्र दी चर्चा कीती। उनें न्यूयार्क अमरीका च ओबसरवेशन डैक ते मार्शल आईसलैंड आदर लोकें आस्सेआ योग करने दा जिक्र कीता। प्रधानमंत्री होरें लोकें गी अपने जीवन च सकारात्मक सुधार आनने आस्तै लगातार योग करने रौहने लेई सलाह दित्ती। प्रधानमंत्री होरें अगले ब'रे शुरू होआ'रदे पेरिस ओलंपिक च खेड्डनें च भारतीय दल गी शुभकामनां दित्तियां। उनें चेता कराया जे पिछले टोकियो ओलंपिक भारतीय एथलीटें देशवासिणं दा दिल जित्ती लैता हा। प्रधानमंत्री होरें आकाशवाणी परिवार गी शुभकामना दित्तियां की जे आकाशवाणी दे संस्कृत बेलिटन नै अज्ज अपने प्रोग्राम दे 50 ब'रे पूरे कीते न।

<><><><><><>

World Bank India

विश्व बैंक नै भारत गी कार्बन उर्जा दे विकास च तेजी आनने आस्तै 150 करोड़ डालर दी दुई किश्त दे माली पोषण गी मंजूरी देई दित्ती ऐ। हरित हाइड्रोजन ते इलेक्ट्रोलाइजर आस्तै बजार गी बढ़ावा देने ते नवीकरणीय उर्जा दे इस्तेमाल गी बदाने दे मकसद कन्नै एह माली सहायता दित्ती जा रदी ऐ। एहदे थवां पैहले जून 2023 च विश्व बैंक नै पैहले घट्ट कार्बन एनर्जी प्रोग्रामेटिक डेवेलपमेंट पालिसी आपरेशन आस्तै बी 150 करोड़ डालर दी मंजूरी दित्ती ही। केंद्र सरकार नै बरे 2030 तगर 500 गीगावाट स्थापित नवीकरणीय उर्जा क्षमता हासिल करने दा लक्ष्य रक्खे दा ऐ।

<><><><><><>

Modi

प्रधानमंत्री नरेन्द्र मोदी होरें साबका उपराष्ट्रपति एम.वैकया नायडू हुंदे जीवन पर त्रै किताबां जारी कीतियां न। श्री नायडू हुंदे 75में जन्म दिवस दी पूर्वसंध्या च अज्ज वीडियो कांफ्रेंसिंग राएं प्रधानमंत्री होरें श्री नायडू हुंदी किताबें गी जारी करने पर खुशी प्रकट कीती ते मेद दस्सी जे एह कताबां लोकें गी धेइयां देंगन ते राष्ट्र दी सेवा लोकें दा मार्गदर्शन बी करगंन।

<><><><><><>

Hool Diwas

राष्ट्रपति द्रौपदी मुर्मू होरें हून दिवस पर संथाल क्रांति दे सब्बने अमर योद्धाएं गी श्रद्धांजलि भेंट कीती। इक सोशल मीडिया पोस्ट च राष्ट्रपति होरें आखेआ जे सीडो कनहू चांद भैरव ते फूलो ज्ञानो जनेह नायकें दे बलिदानें दी अमर गाथीएं गी स्वर्ण अक्खरें च लिखेआ गेदा ऐ की जे उनें अन्याय खलाफ एतिहासक युद्ध लड़ेआ। उनें आखेआ जे इनें क्रांतिकारिण दे आदर्श सब्बने देशवासिण लेई सदा प्रेरणा दा स्रोत बने दे रौंहगन।



Army Chief Oath

लैफ्टिनेंट जनरल उपेन्द्र द्विवेदी होरें अज्ज नमीं दिल्ली च फौज दे अगले प्रमुख दे तौर पर कार्यभार संभाली लैता ऐ। औहदा छोड़ने आले जनरल मनोज पांडे हुंदा 26 एं म्हीनें दा कार्यकाल अज्ज समाप्त होई गोआ। लैफ्टिनेंट जनरल द्विवेदी होर 16 ब'रें मगरा पैहले सेनाध्यक्ष बने न, जिनें उधमपुर अधारत उत्तरी कमान दी अगुवाई कीती दी ऐ। पैहली जुलाई 1964 गी पैदा होए दे जनरल उपेन्द्र द्विवेदी होरें 15 दिसम्बर 1984 गी थल सेना दी इन्फ्रैंड्री जम्मू कश्मीर राइफल्स च कमीशन प्राप्त कीता हा। सेना दे उपाध्यक्ष नियुक्त होने कोला पैहले ओह 2022 कोला लेइयै 2024 तोड़ी ओह उत्तरी कमान दे सदर दफतर च च जनरल आफिसर कमांडिंग इन चीफ ते इन्फ्रैंड्री दे महानिदेशक समेत केई महत्वे आले औहदे पर अपनी सेवा देई चुके दे न।



NIA Reasi

राष्ट्रीय जांच अजेंसी एनआईए नै राजौरी जिले दी केई सारी थाहरें पर अज्ज छापेमारी कीती। एह छापेमारी रियासी जिले च होए दे आतंकवादी हमले दे सरबंधै च ही। 9 जून गी रियासी जिले दी पौनी थाहर आतंकवादिएं शिव खोड़ी थमां कटरा जा'रदी यात्रिएं दी गड्डी पर गालियां चलाइयां हियां, जेहदे चलदे बस खाई च जाई पेई ही। इस हादसे च 9 लोक मारे गे हे, जिंदे च इक बच्चा बी शामिल हा। एनआईए नै इस मामले गी 15 जून गी अपने हत्थ च लेई लैता हा। केई सारे छापेमारी कीती गई। एह छापेमारी गिरफ्तार कीते गेदे अरोपी हाकाम खान आस्सेआ दित्ती गेदी जानकारी दे आधार पर कीती गई। इन्ने आतंकवादिएं गी सुरक्षत पनाहगाह, खाना पीने ते होर दुई लोड़चदी मदद उपलब्ध करोआई ही।



LG Role Of Academic

जम्मू कश्मीर दे लैफ्टिनेंट गवर्नर मनोज सिन्हा होरें टेक्नोलीजी सरबन्धी राश्ट्रीय संस्थान एनआईटी श्रीनगर च दरुं रोजा राश्ट्रीय सम्मेलन दा उद्घाटन कीता। इस सम्मेलन दा विषयसार ऐ जम्मू कश्मीर दी विकासशील अर्थबवस्था च पढ़ाई-लखाई आधारत स्टार्टअप दी भूमका। उपराज्यपाल होरें अपने भाषण च स्टार्टअप प्रणाली गी बढ़ावा देने लेई विद्यार्थिं दा मार्गदर्शन करने, शिक्षाविदें ते उद्योगें दा संपर्क बनाने, उंदा सशक्तिकरण करने, बढ़ावा देने लेई तैआर कीते गेदे माहौल लेई कीती गेदी पैहलकदमिं दी सराहना कीती। उपराज्यपाल होरें विद्यार्थिं गी अपने उद्यम सरबन्धी सुखने गी हकीकत च बदलने लेई कारवाई आले लक्ष्य तैह करने दी प्रेरणा दित्ती। उनें आर्थिक तरक्की ते मुल्खै दे सामाजिक-आर्थिक बदलाव च योगदान करने लेई बी आखेआ। उनें शिक्षा संस्थानें च उद्यमशीलता ते नमीं काहडें आली संस्कृति गी बढ़ावा देइयै जम्मू कश्मीर दे आर्थिक बदलाव लेई शिक्षा संचालित स्टार्टअप दी समर्थ दा बी जिक्र कीता।



Amarnath Yatra

श्री अमरनाथ जी दे श्रद्धालुं दा दुआ जत्था कश्मीर घाटी दे दौनें आधार शिविरें थमां अगड़ी यात्रा लेई रवाना होआ। अजें तगर श्री अमरनाथ जी दी पवित्र यात्रा च 13 जहार थमां बद्ध श्रद्धालुं मत्था टेकेआ ऐ। ताई जम्मू दे भगवती नगर आले आधार शिविर थमां 6 जहार 619 श्रद्धालुं दा त्रिया जत्था अज्ज बडलै सख्त सुरक्षा बंदोबस्तें हेठ घाटी लेई रवाना होआ। जम्मू कश्मीर प्रशासन आस्सेआ श्रद्धालुं लेई लोडचदे सब्बै इंतजाम कीते गेदे न। आकाशवाणी कन्नै गल्ल करदे होई श्रद्धालुं आखेआ जे प्रशासन हर संभव सहायता उपलब्ध करोआ'रदा ऐ।

प्रशासन नै श्रद्धालुएं दे रौहने, बौहने, ठैहरने ते सुरक्षा दे पुख्ता बंदोबस्त कीते दे न।



DC Ramban-Amarnath

श्री अमरनाथ जी दी यात्रा दी तैआरिएं दा जायजा लैने लेई रामबन दे डिप्टी कमीशनर बसीर उल इक्क चौधरी होरें एसएसपी रामबन अनुज कुमार हुंदे सनें होर दुए अफसरें कन्नै बनिहाल च लंगर थाहर दा दौरा लाया ते सुविधाएं दा जायजा लैता। अपने दौरे दरान उनें यात्रिएं गी लंगर आली थाहर दित्ती जा'रदी सुविधाएं ते सहूलतें दा जायजा लैता ते कीते गेदे इंतजामें पर संदोख जाहर कीता। उनें एसडीएम बनिहाल ते एसडीपीओ बनिहाल दे जतनें दी सराहना कीती। आकाशवाणी कन्नै गल्ल करदे होई डिप्टी कमीशनर रामबन होरें आखेआ। इस्सै दरान श्री अमरनाथ गुफा च मत्था टेकने मगरा श्री अमरनाथ जी यात्रा दा पैहला जत्था रामबन जिले दे लंबर ग्राउंड पुज्जा। श्रद्धालुएं प्रशासन आस्सेआ कीते गेदे इंतजामें पर संदोख जाहर कीता। उनें जम्मू कश्मीर दे लोकें गी खातरतब बारे ते दुएं दी मदद करने आले सभाह् दी सराहना कीती।



CBI-NEET

सीबीआई नै पटना, बिहार च बियूर सेंद्रल जेल च नीट-यूजी परीक्षा पेपर लीक मामले दे अरोपिएं थमां पुच्छ-गिच्छ कीती। सीबीआई आस्सेआ पटना जेल च पुच्छताछ दा अज्ज दूआ दिन हा। सीबीआई इस मामले च हुनै तोड़ी बिहार ते झारखंड थमां संदिग्धें गी गिरफ्तार कीते दा ऐ। 13 होरनें अरोपिए। थमां सीबीआई बियूर जेल च पुच्छताछ करा'रदी ऐ। जिनेंगी बिहार पुलस दी आर्थिक अपराध इकाई ईओयू नै गिरफ्तार कीता हा। सीबीआई गी एह मामला 24 जून गी सौंपेआ गेआ हा।



New Criminal Laws

त्रै नमें आपराधिक कनून भारतीय न्याय संहिता, भारतीय नागरिक सुरक्षा संहिता ते भारतीय साक्ष्य अधिनियम कल्लै थमां लागू होई जांगन। केन्द्र सरकार नै राज्यें ते केन्द्र शासत प्रदेशें कन्नै नियमित तौर पर बैठकां कीतियां न जे ओह् इनें कनूनें गी लागू करने आस्तै तकनालोजी, क्षमता निर्माण ते जागरूकता पैदा करने आस्तै पूरी चाल्ली तैआर ऐ। इस सरबंघै च पुलस ते जांच अधिकारिणं गी सिखलाई दित्ती गई ऐ। इत्थें एह् दस्सना लाजमी ऐ जे इनें कनूनें गी पिछले ब'रे संसद दे स्यालै आले इजलास दरान पास कीता गेआ हा।



India World Cup

11एं बरें थमां वैश्विक सतह दी ट्रॉफी हासल करने दी भारत दी निहालप कल रातीं उसलै खत्म होई गई जिसलै रोहित शर्मा हुंदी अगुवाई आली भारती क्रिकेट टीम नै ज़मदेपदहजवद वअंस च मर्दे दे आइ.सी.सी टी-20 क्रिकेट विश्व कप 2024 तैहत दक्खन अफ्रीका गी 7एं रन्जें कन्नै हरइयै शानदार जित्त हासल कीती। पैहलें बल्लेबाजी करने दा निर्णय लैंदे होई विराट कोहली दे 76एं ते अक्षर पटेल दे 47एं रन्जें कन्नै भारत 20एं ओवरें च 7 विकटां मोहाइयै 176 रन्ज बनाइयै मजबूत स्थिति च हा। एह् अजें तगर मर्दे दे टी-20 विश्व कप च कुसै बी टीम आस्सेआ फाइनल च बनाए जाने आले सब्भनें शा मते रन्ज न। 177एं रन्जें दे लक्ष्य दा पिच्छा करदे होई दक्खन अफ्रीका 8 विकटां मुहाइयै छडे 169 रन्ज गै बनाई सकेया। दक्खन अफ्रीका दे हैनरिच क्लासन नै 52 रन्ज बनाए। भारत आस्तै हार्दिक पांडया नै 3 विकटां लैतियां जिसले के जसप्रीत बुमराह ते अर्षदीप नै 2-2 विकटां लैतियां। विरोट कोहली गी उंदी शानदार पारी लेई मैन ऑफ दा मैच घोषित कीता गेआ। जसप्रीत बुमराह गी 8एं मैचें च 15 विकटां लैने ते 6 थमां

हेठली रण रेट देने लेई प्लेयार ऑफ दा टूर्नामेंट घोषित कीता गेआ। भारत दे महान क्रिकेटर विराट कोहली ते रोहित शर्मा होरें टी-20 विश्व कप दो बारी जितने मगरा कल टी-20 अंतरराष्ट्रीय थमां सन्यास दी घोषणा कीती। जित दे किश गै मिटें मगरा कोहली नै अपने सन्यास दी घोषणा कीती। भारती कप्तान रोहित शर्मा होरें मैच मगरा इक आधिकारिक प्रेस कांफ्रेंस च अपने सन्यास दी घोषणा कीती।

<><><><><><>

Bhupinder Rawat

भारत दे साबका फुटबाल खडारी भूपिंदर सिंह रावत हुंदा काल होई गेआ ऐ। ओह 85एं बरे दी बरेसू दे हे। ओह अपनी तेज रफ्तार लेई स्कूटर दे नां कन्नै जाने जंदे हे। ऑल इंडिया फुटबाल फ़ैडरेशन नै उंदा सुर्गवाद होई जाने दी पुष्ति कीती ऐ। फ़ैडरेशन नै उंदे परोआर आले कन्नै बसोस प्रकट कीता ऐ। रावत होर 1969 च मलेशिया च होई दी मारडेका प्रतियोगिता च भारतीय फुटबाल टीम दे मेंबर हे। उनें संताष ट्रॉफी च मुख् घरेलू टीमें ते राज्येंद ी नुमांयदगी कीती ही। घरेलू फुटबाल च ओह दिल्ली, गैरीसन, गोरखा, ब्रिगेड ते मफतलाल जनेई मुख् टीमें लेई खेडदे रेह।

<><><><><><>

Weather

मौसम विभाग नै आखेआ ऐ जे जम्मू खित्ते दे मते सारे हिस्सें च मानसून पुजजी गेआ ऐ ते पूरे जम्मू ते कश्मीर च पुज्जने लेई पैहली जुलाई तगर सििति साजगार लगा'रदी ऐ। इनें हिस्सें च अगले त्रै थमां 4 दिनें बश्कार हल्की थमां दरमेयाने दर्जे दी बरखा पेई सकदी ऐ ते मगरा एहदे च बाद्धा होई सकदा ऐ।

<><><><><><>